



САМУРДИН

сес

«Магъарамдхуъруън район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуъруън район» МР.

Газет 1951- йисалай акъатзава. № 47 (7703) киш, 4- октябрь, 2014- йис. Къимет 3 манат.

Сувар мубаракрай

ГЪУЪРМЕТЛУ стхаяр ва вахар!
Мусурманрин календарда къалурна-
вайвал, 2014- йисан 4- октябрдиз,
Ислам динда виридалайни члехи ва
важиблу тир Къурбан сувар кыле
тухуда.

Муниципальный райондин, адан
администрациядин, райондин Со-
браниедин ва кылди жуван патай за
квез мусурманрин алуъкнавай члехи
сувар - «Къурбан сувар» риклин сид-
къидай мубаракзава. Къуй куъне гу-
дай садакъаяр Аллагъди къабулдай-
бур хъурай. Амин!

Ф. АГЪМЕДОВ,
«Магъарамдхуъруън район»
МР-дин кыл, райондин Собраниедин
председатель.



МР-дин АДМИНИСТРАЦИЯДА

КУЛЬТУРА СА СЕГЪНЕДА АКЪАЛТИЗАВАЧ

МУНИЦИПАЛЬНЫЙ рай-
ондин администрацияда 29 –
августдиз райадминистрация-
дин жавабдар работникрин,
са жерге организационин
руководителрин, обществен-
ный организационин ишти-
раквал аваз тухвай совеща-
ниедал культурадин йисан
сергъятра аваз районда кы-
ле физвай квалахдин гъакъ-
индай МР-дин «Культурадин
отдел» МКУК-дин начальник
Эседуллагъ Селимован док-
ладдихъ яб акална.

Вичин докладда Э. Сели-
мова къейд авурвал, района
культурадин йис ачухун 12-
февралдиз Россиядин халкъа-
рин адет хъанвай культура-
дин Центрада кыле тухвай
члехи межлисдилай башламиш-
на. Гъа ихътин серенжемар
райондин вири хуърерани кы-
ле фена. Адалай инихъ алат-
навай вахтунда райондин
культурадин учрежденийра те-
матический вечерар, машгъур
ксарихъ, писателрихъ ва ша-
иррихъ, дъяедин ва зегъметдин

ветеранрихъ, аскеррихъ-ин-
тернационалистрихъ галаз
гуъруьшмиш хъунар ва маса
мярекатар кыле тухвана.
Докъузпара райондин куль-
турадин работникрихъ галаз
санал культурадин работник-
дин йикъаз талукъарнавай
профессиональный сувар
тешкилна. Райондин сегъне-
дин устадри республикада
кыле физвай халкъдин ярат-
мишунрин ва фольклордин
фестивалра агалкъунралди
иштиракна.

**РЕСПУБЛИКА ДАГЕСТАН СОБРАНИЕ ДЕПУТАТОВ МУНИЦИПАЛЬНОГО РАЙОНА
«МАГАРАМКЕНТСКИЙ РАЙОН»**

« 6 » августа 2014г.

с. Магарамкент.

РЕШЕНИЕ № 183-ВСД

Об установлении значений корректирующего коэффициента базовой доходности К2 для отдельных видов предпринимательской деятельности на территории муниципального района «Магарамкентский район».

В соответствии с главой 26.3.Налогового кодекса Российской Федерации и Федеральным законом от 6 октября 2003 года № 131-ФЗ «Об общих принципах организации местного самоуправления в Российской Федерации» Собрание депутатов муниципального района «Магарамкентский район» **РЕШАЕТ:**

1. Установить на территории муниципального района «Магарамкентский район» значения корректирующего коэффициента базовой доходности К2, учитывающего совокупность особенностей ведения предпринимательской деятельности при исчислении суммы единого налога на вмененный доход для отдельных видов деятельности в размерах, согласно приложения №1 к настоящему решению.

2. Решение Собрания депутатов муниципального района от 25 сентября 2013 года №129-Всд «Об установлении значений корректирующего коэффициента базовой доходности К2 для отдельных видов предпринимательской деятельности на территории муниципального района «Магарамкентский район» признать утратившим силу.

3. Настоящее решение вступает в силу с 1 января 2015 года.

4. Опубликовать настоящее решение в районной газете «Самурдин сес» и разместить на официальном сайте Администрации МР «Магарамкентский район».

**Глава муниципального района
Ф.З. Ахмедов.**

МР-дин АДМИНИСТРАЦИЯДА

КУЛЬТУРА СА СЕГЪНЕДА АКЪАЛТИЗАВАЧ

1 ←

Самара шегърдин мердин ва дагъустанвийрин землечестводин теклифдалди чи райондин симинин пагъливанри ва зурнечийри Самара шегърдин Йикъаз талукъарнавай шадвилера иштиракун лап дамахдай кар хъана.

«Советский сельский культурный центр» МБУК-да общественный бинерал алаз ачухнавай краеведческий музейдин филиал къвердавай машгъур жезва. Адан бязи экспонатар республикада кыле фейи гзаф выставкайра хъана ва абуруз хъсан кымет гана.

-Хъсан крарихъ галаз санал, -къейдна Э. Селимова, культурадин учрежденирин кваллахда кимивилер, фикир таганвай крарни ама. Абурун материально-технический база кесибди яз амукъун давам жезва. Хуърерин культурадин гзаф центрайра музыкадин алатар авач. Культурадин са жерге дараматар хаталу гьалда ава, са бязибуруз капитальный ремонт чарасуз кланзава. Культурадин учрежденирин дараматар

авачир хуърерни тлимил авач. Гзаф хуърерин тамашчийрин залар спортдин залриз элкъурнава. Райондин территориядал алай культурадин ирсинин объектрихъ талукъ тир паспортар авач.

Докладдин винел рахунар башламишайла райондин общественный Советдин председатель Агъадаш Нагъметуллаева къейд авурвал, райцентрдал алай библиотека лап хаталу гьалда ава. Адан клелдайбурун залда ацукъун хаталу хъанва. Культурадин отделдин материалрин база лап зайиф гьалда ава. Хуърерин культурадин идарайрин работникар тамамвилелди гуъзчивиликай хкатнава. Хуърерин клубар ва библиотекаяр, виликдай авай хъиз, культурадин отделдин гуъзчивилик кутун хъувунин чарасузвал фадлай алукънава.

Совещание кыле тухузвай муниципальный райондин кылин везифаяр вахтуналди тамамарзавай Гъабибуллагъ Мурадалиева гьалзавай месэладин нетижаяр къуналди лагъана:

Райондин культурадин отделдин кваллахда хъсанвилехъ

дегишвилер арадал къевезвайди гьисс ийиз жезва. Амма хъувауна кланзавай, фикирдай акъуднавай крарни тлимил амач. Сегънедин искусствода рикл алай инсанар райондин хуърера гзаф ава. Анжах абур желбна кланда. Муькуь патахъай, чи хуърера сегънедин кваллах активламишун патал культуработникриз рикливай куьмек герек къевезва. Чи риклелай мад са кар алатна кландач, культура са сегънеда ваъ, инсандин уьмуьрдин вири терефра хъун герек я. Гъа и месэла культуработникрин эвелимжибурукай сад хъунни герек я.

Гъалай месэладин винел, анал рахайбурун фикирарни гьисаба къуна, геъенш къарар къабулна.

Гуьгъуьнлай УО-дин начальникдин заместитель Н.Гъалимован, ЦРБ-дин кылин духтур Гъ. Беглерован, «Хуьруьн майишатдин отдел» МКУ-дин директор Н.Ибрагъимован ва маса къуллугърин руководителрин куьруь информациярихъни яб акална.

Ф. ГЪАЖИЕВ.



ПЕШЕДИЗ ВАФАЛУВАЛ

ИНСАНДИ са пеше хягъдалди яргъалди фикир –фагъум ийизва. Садбуру инанмишвилелди, муькуьбуру мажбур яз ва пуд лагъайбуруни вичин алакьунриз килигна пеше хязава. Пеше хягъай себебрилай аслу тушиз, адал рикI хъайила, вафалувал хвейила, жуван зегъметди бегъерарни гайила жуван руьгъ хкаж жеда, зегъметдини шадевал багъишда.

ЗАЗ къенин ихтилат вичи хягъай пешедиз 40 йисалай виниз вахтунда вафалувал хуьзвай, цудралди несилриз чирвилер ва тербия гуник вичин лайихлу пай кутунвай малим Салигъов Садыкь Салигъовичакай ийиз кланзава.

Садыкь малим 1939-йисуз Мамрачрин хуьре дидедиз хъана. Адан аялвал гыхътинди хъанатIа, къатIун четин туш. Дяведин залум, мишекъат йисар, буба дяведиз фейила хизандин жавабдарвал дидедин хиве гъатна. КIула аял аваз гилерини рикIи чабалмишна. КIвалин, къецин, чуьлдин кIвалахар вири гъадаз аквазвай.

Дяве куьтягъ хъун, кIвалин иеси хтун, залан пар хивяй аватун гуьзлемишзавай чкадал, уьмуьрдин чарх мад чIурукIа элкьвена. Дяведай хирер алаз хтай уьмуьрдин юлдаш рагъметдиз фена. КIвачи бегъем чил къадалди Садыкь бубадикай магърум хъана. Кылелай иеси алатай Сарат дидеди вичин авай са веледдиз неинки дарвал, пашманвал, гъакI вичин вилин накъварни къалурнач. Вад лагъай класс Мамрачрин хуьре куьтягъай, гуьгъуьнлай ХенжелкIеледин ирид йисан школада кIелай Садыкъан рикI шикалар чIугунал алай. Школадай хтай азад вахтунда колхозда гъар жуьре кIвалахарни ийизвай.

Гуьгъуьнлай Дербентдин шлифовальный заводда кIвалахни ийиз йифен школа акъалтIарна. 1957-йисуз хуьруьнбурухъ галаз Садыкьрин хизанни Советск хуьруьз куьч хъана. Ина ам эвленмиш хъана, мягъкем хизан кутуна. Ирид касдикай ибарат тир чIехи хизан хиве гъатнавайтIани ам чирвилер хкажунивай къерех хъанач. 1971-йисуз Садыкъа М.А. Джемалан тIварунихъ галай художественный училище акъалтIарна. Гъа йисуз ам Советск хуьруьн юкъван школада черчениедин малим яз кIвалахал къабулна.

Ирид сеферда Садыкь малим тежриба хкажзавай курсаризни фена. Яргъал йисара къилин категория аваз черчениедин, рисованиедин малим яз гъакъисагъвилелди зегъмет чIугунай ам шумудни са гуьрметдин Грамотайриз лайихлу хъана. Садыкь малимдин зегъметдиз школадин, образованиедин управлениедин руководствойрини лайихлу къимет гана. ИкI 2013-йисуз республикадин конкурсда «Графика номинациядай 3- чкадиз лайихлу хъайи Садыкь Салигъовичаз диплом гана. Акъалтзавай несилдиз чирвилер ва тербия гунин кардик лайихлу пай кутунай, республикадин, райондин образованиедин идарайра къиле физвай мярекатра активвилелди иштирак авунай Грамотаяр ва дипломар гана.

Нивай хабар къуртIани Садыкь Салигъович вичин предмет хъсан чидай, аялривайни гъахътин чирвилер истемишдай, къайда –низамдихъ ялдай жавабдар работник я лугъуда.

40 йисалай виниз хъанавай пешедиз вафалувал хуьн игитвал туштIани, жемятдин, коллективдин патай авай гуьрмет вири тIварарилай, наградайрилай багъа я. Бубадин гелерай феий руш Саимат,хтул Элина, вичи тарс гайи, алай вахтунда гъа и школада кIвалахзавай рисованиедин тарсар гузвай малим Муслимова Иранэ хътин инсанри Садыкь малимдин гуьгъуьлар мадни шадарзава.

Вичин уьмуьрдин юлдаш Фатиматни галаз (ам алай вахтунда рагъметдиз фена) муьжуьд велед уьмуьрдин шегъредал акъудна. Абурухъ чпин кIвал-югъ, хизанар хъанва. Абуру Садыкь бубадиз 20 хтулни 6 птул багъишнава.

Гъеле аял вахтундилай залан зегъметдин дад чир хъайи Садыкь Салигъовича садрани бушвал авунач. Ада гъайиф чIугвазвайди са кар я. Хизан хиве гъатна кIелунар давамариз тахъун.

КIелунар идалай къулухъ куь хтулри хъийида гуьрметлу Садыкь малим. И чIехи хизандин къиле акъвазнавай, квехъ чандин мягъкем сагъвал ва балайрин, хтулрин гъар са агалкъундикай лезет хкудай къуватар хъурай Квехъ.

А. АЙДЕМИРОВА.

ЧНА ТЕБРИКЗАВА

САВАДЛУ ВА БАЖАРАГЪЛУ РУКОВОДИТЕЛЬ

РОССЕЛЬХОЗНАДЗОРДИН РД-да авай Управлениедин РФ-дин государстводин сергъятдал алай фитосанитарный карантинный гуъзчивилин отдалдин начальник Мурсалова Марина Къазимагъамедовнади карантиндин хиле кваллахиз 27 йисалай алатнава. Ам асул-несилдай карантинщик я. Диде Чубанова Жанисат Мулкуновнади (ам чи райондин Къуйсундал куъч хъанвай Макъарин хуъряй я) уьмуърдин чехи паюна Росгоскарантинда кылиин бухгалтериле кваллахна. Алай вахтунда «ВНИИКР» (набататрин карантиндин Вироссиядин центр) ФГБУ-дин Дагъустандин филиалда кваллахзава.

МАРИНА Мурсаловнади «ученый агроном» пешекар-вилай Дагъустандин государстводин хуъруьн майишатдин академия тафаватлувилелди акъалтарна. Набататрин карантиндин рекъйяй зегъмет члугваз 1995-йисуз набататар хуънин рекъйяй Дагъустандин республикадин станцияда башламишна. Ина ам 5-разряддин техниквилелай 9-разряддин агрономдал къван фена. Кваллахдин вири девирда вичел тапшурмишай вири везифаяр намуслувилелди тамамарна.

Марина Къазимагъамедовнади 2000-йисалай РД-дин набататрин карантиндин рекъйяй Государстводин пограничный инспекцияда (Росгоскарантин) 13-разряддин агроном яз кваллахна, 2005-йисалай, Россельхознадзор тешкилунихъ галаз алакълу яз, М. Мурсалова Россельхознадзордин РД-да авай Управлениедиз набататрин карантиндин рекъйяй чехи пешекардин къуллугдал хутахна. Кваллахдив эгечлай лап сифте йикълалай Марина Мурсаловади вич жавабдарвал гъисс ийидай, тапшурмишай карса рахунни алачиз тамардай, цийивилерик къил кутадай бажарагъ авай къуллугъчи яз къалурна.



Ихътин вири ерияр фикрда къуна Марина Къазимагъамедовна набататрин къецин карантиндин отдалдин начальниквиле тайинарна, 2011-йисалай къенин юкъузни РФ-дин государстводин сергъятдал карантиндин фитосанитариядин гуъзчивилин отдалдин начальниквиле кваллахзава.

Отдалдин начальниквиле кваллахал Марина Къазимагъамедовнади бажарагълу, каралакъдай, вичи вичивай ва вичин гъилик кваллахзавайбурувай квелелай истемешдай руководитель яз къалурна. Ада вичин кваллах савадлувилелди ва пешекар-

вилеин къакъан дережада аваз тешкилзава. Ам Россиядин Федерациядин государстводин гражданский Къуллугъдин 3-классдин Советник я.

Яргъл йисарин ва намуслу зегъметдай Мурсалова Марина Къазимагъамедовнади Россельхознадзордин Грамота гана, РФ-дин хуъруьн майишатдин Министерстводи чухсагъл малумарна. Гъиле авай йисуз ам «Республикадин хуъруьн майишатдин лайихлу работ-

ник» лагъай тиварциз лайихлу хъана. Кваллахдин юлдашри ва дустари Марина Мурсаловадиз гуъърметлу тивар гун риклин сидкъидай мубаракна, адахъ мягъкем сагъвал ва хушбахтвал хуьн чпин мурад тирди, адан девлетлу тежрибади ва чирвилери гележегдани республика аграрный рекъйяй мадни хъсан хуьниз къуллугъ ийидайдахъ инанмиш тирди лагъана. «Самурдин сес» газетдин коллективди хъсан и мурадрихъ вичин сесни кутазава.

Интернетдай гъазурайди-
Ф.ГЪАЖИЕВ.

Нурудин НАСРУЛЛАЕВ

Қъатун авач – файда авач

— Б А С Н Я —

ҚЪАРИ- бадеди твар гузва цицибар галай вечрез. Сикі физва реқъайтлуз. Мушукни ала далудал. Са цицибди гъарайзава:

-Сикі халу, ам вуч я ви далудал алайди?

-Къуъл я, чан, къуъл! Са твар тлуърта вакай «уь-уь» ядай клек жеда! Гъакъван менфятлу къуъл я!»! Фена никле цада за! Квез хъутлуз недай твар жеда! Ша куьнни, цицлер авай никлиз тухуда за куьн! Шад жеда квез! Куьн хътинбур мадни ава гъанра!

-Цицлер ава? Пагъ! Ша балаяр!- шад хъайи вечре лувар ахъайна абуров «луф-луф» ийиз туна.

-Ягъи, вун гъи ажалдиз я цицибар галаз?!- гъарай акъатзава къарибадедай.-Ам сикі я гъа, ада неда куьн!

-Ша-ша, куьн чукъ тавуна фад-фад ша зи гуьгуьна аваз,- лугъузва сикіре вечрез.-Адаз яб гуми-ир. А къари мудда амайди ту-уш. Къузуь хъана пис-хъсан чизмайди ту-уш, адан девирар фенвайди я.

-Ву уч?! Я девирди ягъайди, вуна зун-иеси маса гуз абур реқъай акъудзавани?! Гъа вилер акъатуй ви! Фимир верч! Фимир! За вуч лугъузва, ягъи! Фимир!-ада гъиле авай аса сикірехъ агалдарна. Муькуь гъиле авай бади чилел аватна, твар чклана. Сикірен незуьррин суьгуьурда гъатнавай верчер тварцелни хтанач. «КъуртI-къуртI»

ийиз цицибризни эвериз-эвериз физва сикірен гуьгуьуниз.

-Я буьркъуь хъади, вун гъиниз я?!

-Цицлер нез, цицлер! Цицлер тлуьна хкведа чун!

-Я тлуьн атлайди, ам сикі я, си-икI! Куьн ал-цурарзавайди я! Элкъуь-гъа къулухъ! Элкъуь-гъа! Гъайиф цицибар!

-Я къари-баде, ваз вуч чизвайди я? ГъакI гъарагъиз жуван туьтер къванни эфирмир. Ам хъсанди-е, хъсанди! Адаз чун кланзавайди я! Аквазвани ада чун патал къуъл цазва никле, чаз хъутлуьн суьрсет хъун патал. Бес им чакай ийизвай къайгъударвал тушни?! Ша цицибар, гъурра! –вилек экечна еримиззава вечре.

-Я гуьнуькъара, вуна шазни пехъ чибурукай я, лувар квай жуванбурукай я лугъуз, цицибар пехърев вугайди я! Гила сикірекай дуст хъанван ваз?! И дустуни вунни галаз неда, вунни! Мад гъикI лугъудайди хъуй! Вичихъ ягъ-намус авачир гуьнуькъара я ам, пис-хъсан тийижир гуьнуькъара! Икъван лугъуз ван текъведай тахсара, куьт жедани?! Гъи – ич, тахтуй вун гъанай! -экъуьгъзава хъел акатнавай къари-бадеди. Эхир гафари эсер тавурла, гъил далудал эцигна, тфенг авай кваллиз тади ийизва, ада.

Несигъат. Япал гъарайна лагъайтлани, гъавурда гъатдач къатлун авачирди. Қъатлун авач, лугъуникай файда авач.

Ж

УВ

УВАН

ЕРЯГЪ



* **ГЪИЛЕР** зурзадайла, 200 г мухан тварар чуьхвена, 1 л ргазвай яд илична, зайиф цлал эцигна, цин 1/3 пай амуькдалди ргада. Ахпа ам куьзна, са тлимил вирт алава хъувуна йикъа пуд сеферда, фу нез 30 декъикъа амайла, 150 мл хъвада.

* **ВИЛЕРИН** экв зайиф тахъун патал 50 мл петрушкадин ва 150 мл газардин ширеяр сад-садак какадарна, йикъа пуд сеферда, фу нез 30 декъикъа амайла, хуьрекдин са тлурунавайди хъвада.

* **ЖАЛГЪАЯР** тлазвайла, 5 г. лаврдин пешер шир алай катулдиз вегъена, къайи яд илична, зайиф цлал эцигна, 5 декъикъада ргана, термосдиз цана, 3-4 сятда тада. Ахпа ам куьзна, къаришма 4 чкадал пайда. Гъар са пай са йикъан норма я. Са йикъан вахтунда куьлуь-куьлуь хуплар ийиз хъвада. Гъа икI къуд юкгуз галаз-галаз.

* **ДУРКИУНАР** тлазвайла, гъажибугъдадин чларар, брусникадин пешер ва шивитрин тум (вири сад хътин паяр) садсадак какадарда. Хуьрекдин са тлурунавай къаришмадал 500 мл рганвай яд илична, 15-20 декъикъада тада. Ахпа йикъа пуд сеферда, фу нез 20 декъикъа амайла, 100 мл хъвада. Сагъарунин вахт 2 варз я.

* **КЪИЛ** элкъеззайла, чайдин са тлурунавай шивитрин пешерал ва я тумунал са стакандавай ргазвай нек иличнавай къаб яд ргазвай катулдин винел эцигна, 20 декъикъала тада. Ахпа ам бедендин температурадихъ галаз сад хъайила. Экуьнахъ ва нянихъ стакандин къатлавайди хъвада.

* **ИВИДИН** давление хкаж хъанвайла, хуьрекдин са тлурунавай календуладин цуькверал къеве стакандавай ргазвай яд илична, 15-20 декъикъада тада. Ахпа ам куьзна, йикъа 3-4 сеферда стакандавайди хъвада. Гъа икI -2-3 гъафтеда.

* **БЕДЕНДА** иви тлимил хъанвайла, сезондин вахтунда мереяр гзаф тлуьн меслятзава. ГъакI хуьрекдин са тлурунавай мерейрал са стакан яд илична, ргана 20 декъикъада тада. Ахпа ам чай хъиз хъвада.

24- СЕНТЯБРДИЗ Магъарамдхуъруьн културадин Кивалин чѐхи залда «Рекъерин гъерекатдин жегъил инспекторар» тивар алаз Дагъустандин Къибле патан районрин школайрин командайрин арада конкурс-тамаша кыле фена. Конкурс-тамашадиз атанвай школайрин командайрин гъазурвал ахтармишун ва абуруз кымет гун патал (председатель) райондин администрациядин кылин заместитель Шериф Алиханов аваз жюри тешкилнавай. Жюридин членар райондин общественный палатадин председатель Агдаш Нагъметуллаев, УО-дин инспектор Тугъя Тагъирова, райондин ДПС-дин инспектор Музафар Кадыров.

Конкурс кюд номинациядыкай ибарат тир: 1). Визитный карточка; 2) ЮИД-дин (рекъера гъерекатдин жегъил инспек-



КОНКУРС - ТАМАША

торар) дневник; 3) Командайрин яратмишунин квалах; 4) командайри гъазурнавай стендар, плакатар ва конкурсдиз талукъ тир маса тадаракар.

Аялрин чѐхи иштираквал ва гъевес аваз кыле фейи конкурс-тамашада жюриди сад лагъай чка Сулейман-Стальский райондин, квед лагъай чка Докъузпара райондин ва пуд лагъай чка Ахцегъ райондин командайриз гана. Гъалиб хъайи командади Махачкъалада кыле фидай финалдин конкурс-тамашада иштиракда.

Р. МУРАДАЛИЕВ.

Газетдиз



Ирид Юкъуз

ЗУН, Аразов Абдул Исмиханович-ВОВ-дин ветеран заландиз азарлу хъуникди Магъарамдхуъруьн ЦРБ-дин инфекциядин отделениеда къаткурна. За гуьзлениш тавур квалах хъана: ина гыллел михъи, чпини михъиз алукинавай, гъахътин михъи риклер авай ксари квалахзава кван. Отделениедин заведующий Эфендиева Светлана Мирзоевади, старший сестра С. Абдурагъмановади, сестраяр тир М.Имирсадыкьовади, П. Пашаевади, Л.Тажибовади, Ф.Ражабовади, П. Назировади, гъаки санитаркаяр тир Ш. Мамедовади, И.Муслимовади ва П. Мирзобутаевади чпин залан квалах чѐхи гъевесдалди ва намуслувилелди тамарзавай. Вири сагъар хъийиз чалишмиш хъанвай. И кар абурулай алакъни авуна: зун ирид юкъуз пис уьзуьрдин дизентериядин кърмахрай акъудна ва сагъар хъууна.

В.В. Путина гъавайда лагъанач: «Гъина медицинадин къуллугъдал хъсан профессиональный къуллугъчийри квалахзаватла, гъана гъихътин хъайитлани уьзуьрар ирид юкъуз сагъарда».

ЦРБ-дин инфекциядин отделениеда гъа ихътин инсанар ава. Инсандиз куьмек гун чпин пак тир буржи яз гысабзавай абуру заз гъуьрметдалди Абдул халу лугъузвай. И отделениеди гъакъисагъвилелди везифаяр кыле тухун адал гуьзчивал тухузвай жегъил хирург Беглеров Эдгаран лайихлувални яз гысабиз жеда. Ада зун ахтармиш хъийиз Махачкъаладизни рекъе туна.

Вирида гъуьрмет ийизвай кылин духтур Беглеров Гъажибала Гъажиевич кыле авай ЦРБ-дин коллективди агъалийрин къадар 70 агъзурдахъ агакъзавай Магъарамдхуъруьн райондин агъалийриз къуллугъзава. Амма бегъем шартлар тахъайла, иллаки инфекциядин отделениедин ва поликлиникадин куьгъне, дарискъал дараматра квалах авун гзаф къулайсуз я. Ихътин чѐхи, гележег авай районда ихътин дараматра азарлуяр къабулун, заз чиз, лап куьтгусуз кар жезва.

Гъавилляй заз, Магъарамдхуъруьн вири агъалийрин тиварунихъай, республикадин здравоохранениедин министр гъуьрметлу Ибрагъимов Танку Ибрагъимовичавай поликлиникадин дарамат эцигун йигинардай ва ВОВ-дин гъалиб-вилини 70 йис тамам хъунин вилик ишлемишиз вахкудай серенжемар къабулун тлалабзава.

Абдул АРАЗОВ.

ХУЪРУЪН МАЙИШАТ

ВАХТУНДА КУЪТЯГЪИЗ АЛАКЪНА

«ВИРИДА вахт, вахтуни затни гуъзлемишдач». Бубайрин и мисалдал амалзавай чи райондин уъзъмчийри ципицѝрин бегъерар кватѝна куътягнава. Райондин хуъруън майишатдин управлениедин деллралди, районда санлай 1800 гектардилай виниз майданра уъзъмлухар кутунва. 2013- йисав гекъигайла, цѝи уъзъмлухрин майданар саки 100 гектардин гзаф хъанва.

тешкилнавай. Ина гъар юкъуз 60 рабочийди зегъмет чулгвазвай. Техника виликамаз къайдадик

лаевадин, Илгар Агъасиеван, тракторист Расулов Исламудинан зегъмет иллаки тариф авуниз лайихлуди хъана.

-Ципицѝрин къакъан бегъердин бине кутун зуламаз башламиш жезва,- лугъузва хуъруън майишатдин управлениедин начальник Насир Ибрагъимова. -Уъзъмлухрин жергейрин араяр вахтунда къарагъарунилай, гатфарихъай жуъреба- жуъре азарризни гъашаратриз акси дарманар ягъунилай ва



Алай йисуз районда уъзъмчийри 9000 тондилай гзаф ципицѝлар кватѝна. Къилди къачуртѝла, «Гоганский» ОПХ-ди 129 гектардай 1000 тонн, «Зардиан» ООО-ди 25 гектардай 800 тонн, «ИЧЕ» КФХ-ди 1,4 гектардай 15 тонн кватѝнава. Ципицѝлар кватѝлунин жигъетдай «Гоганский» ОПХ-да кваллах хъсандиз

кутуна ва герек тир маса серенжемарни къабулна. Нетижада ципицѝрин бегъер вахтунда кватѝна куътягъиз алакъна.

«С-х Правда» ООО-ди 5 гектардай 60 тонн ципицѝрин бегъер кватѝ хъувуна. Ина Агъасиев Шафи къиле авай бригадин рабочийар тир Аният Эседул-

маса кваллахарни вичин вахтунда къиле тухунилай бегъердин бине гзаф аслу жезва. Кѝанзавайди ашкъи авай, хийирлу хел вилик тухун патал серенжемар къабулдай ксар я.

Р. МУРАДАЛИЕВ.

ША, ТАНИШ ЖЕН

МАГЪАРАМДХУЪРУЪН «Солнышко» ясли -бахчада гъвечѝи аялрин дестедин диде-бубайрин, педагогрин гуъруъш къиле фена. Гуъруъш «Ша, таниш жен» лишандик кваз къиле тухвана.

Гъвечѝи аялрин дестедин тербиячи Бабаева Нигер Фердусиевна атанвай мугъманар ва тербиячийар чеб-чпихъ галаз танишарна ва ихътин гуъруъшри диде-бубайрин ва тербиячийрин алакъаяр мягъкемарзавайди, аялар тербияламушунин кардиз хъсандиз таъсирзавайди лагъана.

Аялри хуърекар незвайла, абур ксанвайла ва азад вахтунда са квел ятѝани машгъул хъанвайла гъазурнавай видеоматериалприз диде-бубаяр еке ашкъидивди килигна.

Социолог Насрединова Эльмиради аялрин социальный паспортрин делилрикай, тербиячийрин везифайрикай ва и яшда авай аялрихъ галаз чѝехибуру чеб гъикѝ тухун герек ятѝла гегъеншдиз суъгъбетар авуна.

Гуъруъшда иштиракай диде-бубайрин тѝварунихъай Л. Буржалиева, А.Мирзоевади, Г. Тажибовади коллективдиз чуъсагъул лагъана.

Л. НАЗИРОВА,

«Солнышко» бахчадин психолог.



Администрация МР «Магарамкентский район» сообщает, что в соответствии с результатами конкурса от 03.09.2014 года проданы право аренды земельного участка и земельный участок в собственность

№ уч-ка	место расположения	кадастровая стоимость земельного участка руб.	начальная цена руб.	сложившаяся цена руб.	покупатель
5	с. Магарамкент	12619,8	12619,8	12619,8	Бабаева Н.Ф.
4	с.Картасказмалар	711980	71980	71980	Мусаев М.А.

ВИЛЬНЮСДАЙ – ШАД ХАБАР

ЛИТВАДИН меркез Вильнюсдаи шад хабар агакна. Чи районэгли, гьепцегьви Эльдар Алискендарова армспортдаи дуньядин 36 –чемпионатда акьалтлай заланвилин категориядаи сад лагьай чка кьуна. Жегьил спортсмендин тренер Рустам Салманов я. И акьажунра дуньядин

46 уьлкведаи лап хьсан спортсменри иштиракна.

Муниципальный райондин руководстводи Эльдар Алискендароваз дуньядин чемпионатда кьазанмишнавай гьалибвал мубаракзава ва адахь гележегдани спортдин чехи агалкьунар хьун гуьзлемеишзава.



ТЕРБИЯЧИДИН ЮГЪ КЪЕЙДНА

РАЙОНДИН школадилай вилик авай учрежденийра тербиячидин югъ кьейдна. Аялрин бахчайрин вири работникрив ва школадилай вилик квай учрежденийрин ветеранриз и сувар муниципальный райондин кьил Фарид Агьмедова мубаракна. «Тербиячидин зегьмет четинди, гзаф терефринди, кьакьан пешекарвал ва аялар клан хьун истемишзавай кар я. Чи тербиячийрикай гьар сада рикл алай кардиз вичин риклин ва руьгьдин клусар гузва», - кьейднавай Ф. Агьмедова вичин тебрикда.

Суварин гуьрметдаи гьвечли аялриз чирвилер ва тербия гунин карда кьазанмишнавай агалкьунрай ва яргал йисарин намуслу зегьметдаи и хиле зегьмет члугвазвай лап хьсан 18 работникрив МР-дин Гуьрметдин грамотаяр гана.

Суварин и юкьуз аялри чпин кьвед лагьай дидеяр манийралди, кьуьлралди, шиирар хуралай клелуналди шадарна. Гьа идалди аялри абурухь авай чпин кланивал кьалурна.



СЕРГЕЙ МЕЛИКОВ ДАГЪУСТАНДА

КЕФЕРПАТАН Кавказдин Федеральный округда РФ-дин Президентдин патай тамам ихтиярар ганвай векил Сергей Меликов Дагъустанда кьве юкьуз хьана. Сергей Меликова Дербента «Дербент шегьер арадал атайдалай инихь 2000 йис тамам хьунин сувариз гьазурвилер акунин кар тешкилнавай гьал» темадаи кьиле феири совещаниеда, Махачкьалада Дагъустан Республикада террордиз акси тир кьвалах тухузвай комиссиядин заседаниеда иштиракна.

КОМИССИЯДИН ЗАСЕДАНИЕ ХЬАНА

ИРАНДИН меркез Тегеранда алишверишдинни экономикадин рекьяй санал кьвалах авунин Россиядинни Ирандин Гьамишлагь комиссиядин заседание хьана. Комиссиядин кьвалахда Россиядин министерствойринни ведомствойрин, гьакл чехи ва юкьван бизнесдин вишелей виниз векилри иштиракна.

Са тилим
хьвер кваз

Алидиз ГИБДД-даи йигинвал кьадардилай гзаф гьакл артухарнаватла кьейд авур камерадаи шикил ракьурна. Алиди ГИБДД-диз гаишникдиз нагьда жермедин пул гьакл гузватла кьейднавай видео рекьетуна.

Киркарин хуьруьн юкьван школа акьалтларайдан гьакьиндаи 2000- йисуз Алиева Сабина Ямутдиновнадиз гайи А-5476074- нумрадин аттестат квахьуниз килигна кьуватда амачирди яз гьисабин.

Самурдин хуьруьн юкьван школа акьалтларайдан гьакьиндаи 2005- йисуз Муртузалиев Радмир Айзудиновичаз гайи 3687754- нумрадин аттестат квахьуниз килигна кьуватда амачирди яз гьисабин.

Райондин центральный больницадин работникри **Межидова Седеф** кечмиш хьунихь галаз алакьалу яз рагьметлудан хизандиз ва мукьва-кьилийриз дериндаи хажалат члугуналди башсагьлугьвал гузва.

Кьилин редактор
А. ИСМАИЛОВ.

Газет гьафтеда
садра акьатзава.

Газет Магьарамдхуьруьн райондин администрацияда регистрация авуна.
Регистрациядин № 301.

Редакциядин адрес: Магьарамдхуьр,
Ленинан куьче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал куьл члугуна- 15.00.

Газет ООО «Самур» типографияда гьазурна ва гьана чапна. 368780. Магьарамдхуьр, Ленинан куьче, 4. Лезги члал.

Индекс 63340. Тираж 1280.
Заказ № 47.

7